

羣書治要

一



校正羣書治要序

古昔聖主賢臣所以

孜孜講求莫非平治

天下之道皆以救弊

于一時成法于萬世

外此豈有可觀者哉
但世遷事變時換勢
殊不得不因物立則
視宜創制是以論說
之言日浩撰著之文

月繁簡樸常寡浮誕
漸勝其綱之不能知
而况舉其目乎此書
之作盖其以此也先
明道之所以立而後

知政之所行先尋教
之所以設而後得學
之所歸自典誥深奧
訖史子辨博諸係乎
政術存乎勸戒者舉

而不遺罷朝而不厭
其淆亂閉室而不煩
其尋究誠亦次經之
書也我

朝承和貞觀之間致重

雍龔熙之盛者未必
不因講究此書之力
則凡君民臣君者非
所可忽也

尾公有見于斯使

世子命臣僚校正而
上之木又使余信敬
序之惟信敬弱而不
敏如宜固辭者而不
敢者抑亦有故也羣

書治要五十卷五十

卷內闕三卷

神祖遷駿府得此書惜

其不全命我遠祖羅

山補之三卷內一卷

今不傳今

命不嬗

尾公此舉上之欲君

民者執以致日新之

美下之欲臣君者奉

以贊金鏡之明為天

下國家冀昇平之愈
久遠心曠度有不可
勝言者也信敬預事
亦知遠祖所望信敬
是所以奉命不敢

辭也

天明七年丁未四月

朝散大夫國子祭酒林信敬謹序



陳垣公與余書

陳垣公與余書

陳垣公與余書

陳垣公與余書

陳垣公與余書

刊羣書治要考例

謹考

國史承和貞觀之際

經筵屢講此書距今殆千年而宋明諸儒無
一言及者則其亡失已久寬永中我

敬公儒臣堀正意檢此書題其首曰正和
年中北條實時好居書籍得請諸

中秘寫以藏其金澤文庫及

神祖統一之日見之喜其免兵燹乃

命範金至

台廟獻之

皇朝其餘頒宗戚親臣是今之活字銅版也舊
目五十卷今存四十七卷其三卷不知亡
何時羅山先生補其二卷其一卷不傳故
不取也但知金澤之舊藏亦缺二本近世
活本亦難得如其繕本隨寫隨誤勢世以
音訛所處以訓謬間有不可讀者我
孝昭二世子好學及讀此書有志校刊幸

魏氏所引原書今存者十七八乃博募異
本於四方日與侍臣照對是正業未成不
幸皆早逝

今世子深悼之請繼其志勗諸臣相與卒
其業於是我

公上自

內庫之藏旁至公卿大夫之家請以比之
借以對之乃命臣人見泰臣深田正純臣
大塚長幹臣宇野久恆臣角田明臣野村

昌武臣岡田挺之臣關嘉臣中西衛臣小
河鼎臣南宮齡臣德民等考異同定疑似
臣等議曰是非不疑者就正之兩可者共
存又與所引錯綜大異者疑魏氏所見其
亦有異本歟又有彼全備而此甚省者蓋
魏氏之志唯主治要不事修辭亦足以觀
魏氏經國之器規模宏大取舍之意大非
後世諸儒所及也今逐次補之則失魏氏
之意故不爲也不得原書者則敢附臆考